

So by naſche ſzmjertne cžělo
 Žiwnoſcz, móz a ſylnoſcz mělo,
 Hacž džeń ſbóžny ſ hnady dónidže,
 So na hoſcžinu ſo pónidže.
 Hamjeń.

B. Wot blida.

My nětk, Jeſu, wot blida
 Džemy naſyčeni;
 Njeh cže naſcha wutroba
 Njesabudže ženje.
 Wupysch naſ
 Na twój kwaſ!
 Hewaſ ſzmjertne džecži
 Podarmo ſmy w ſwecži.
 Hamjeń.

Jan Kilian.

Scheſte wotdželenje.**Modlitwy ſa wiſchnoſcz a
wózny kraj.****Próſtwa wo dobre knjeſtwo.**

Knježe Božo, njebjefki Wótcže, ty kralo wſchěch kralow,
 ty knježe wſchěch knježich, tebje proſzymy, ty chył ſo nad
 nami a zylym krajom ſmilicž a nam nětko a kóždy cžaſ
 dobre kſhescžijanske knjeſtwo a wiſchnoſcz dacž a ſdžeržecž,
 ſo móhli bjes stracha bydlicž pod ſchkitom prawdoſcžiweho